



UNIVERSITÄTS-
BIBLIOTHEK
PADERBORN

Vitæ D. N. Iesv Christi Monotessaron Evangelicum

Heser, Georg

Monachii, 1657

Pars Prima. Christi ortum, infantiam, pueritiam, & reliquam vitam usque
ad annum ætatis trigesimum complectens.

Nutzungsbedingungen

[urn:nbn:de:hbz:466:1-56533](https://nbn-resolving.org/urn:nbn:de:hbz:466:1-56533)

VITÆ

D. N. JESU
CHRISTI

Monotessaron.

PARS I.

*Christi ortum, infantiam, pueritiam,
& reliquam vitam usq; ad annum
ætatis trigesimum complectens.*

MEDITATIO I.

*Gabriel Legatus DEI ad Ma-
riam Virginem.*

I.



Missus est Angelus Ga-
briel à Deo in civitatem Ga-
lilææ, cui nomen Nazareth,
ad virginem desponsatam vi-
ro, cui nomen erat Ioseph, de
domo David, & nomen virginis MARIA.

LUC. I. V. 26. & 27.

A

II. Et

2 VITA CHRISTI

II. Et ingressus Angelus ad eam dixit Ave gratiâ plena: Dominus tecum: Benedicta tu in mulieribus. *Luc. 1. v. 28.*

III. Quæ cum audisset, turbata est in sermone ejus, & cogitabat, qualis esset ista salutatio. *Luc. 1. v. 29.*

MEDITATIO II.

Gabriel mysterium Incarnationis explicat Maria.

ET ait Angelus ei: Ne timeas Maria, invenisti enim gratiam apud Deum. Ecce concipies in utero, & paries filium, & vocabis nomen ejus IESUM. Hic erit magnus, & filius Altissimi vocabitur: & dabit illi Dominus Deus sedem David patris ejus: & regnabit in domo Jacob in æternum, & regni ejus non erit finis. *Luc. 1. v. 30. 31. 32. 33.*

II. Dixit autem Maria ad Angelum: Quomodo fiet istud, quoniam virum non cognosco? *Luc. 1. v. 34.*

III. Et respondens Angelus dixit ei: Spiritus sanctus superveniet in te, & virtus Altissimi obumbrabit tibi: ideoq; & quod nascetur ex te sanctum, vocabitur Filius Dei. *Luc. 1. v. 35.*

M E

MEDITATIO III.

*Gabriel miraculum miraculo confir-
mat. Virgo consentit. Concipi-
tur Christus.*

I. **E**Cce Elisabeth cognata tua, & ipsa con-
cepit filium in senectute sua : & hic
mensis sextus est illi, quæ vocatur sterilis :
quia non erit impossibile apud Deum omne
verbum. *Luc. 1. v. 36. & 37.*

II. Dixit autem Maria : Ecce ancilla Do-
mini : fiat mihi secundum verbum tuum. *Luc. 1. v. 38.*

III. Et Verbum caro factum est, & ha-
bitavit in nobis. *Ioan. 1. v. 14.* Et discessit
ab illa Angelus. *Luc. 1. v. 38.*

MEDITATIO IV.

Maria Visitat Elisabetham.

I. **E**Xurgens autem Maria in diebus illis
abiit in Montana cum festinatione, in
civitatem Iuda. *Luc. 1. v. 39.*

II. Et intravit in domum Zachariæ, &
salutavit Elisabeth. *Luc. 1. v. 40.*

III. Et factum est, ut audivit salutatio-
nem Mariæ Elisabeth, exultavit infans in

4 VITA CHRISTI

utero eius : & repleta est Spiritu sancto. Elisabeth, *Luc. 1. v. 41.*

MEDITATIO V.

*Elisabeth Mariam laudibus
extollit.*

I. **R**epleta est Spiritu sancto Elisabeth : & exclamavit voce magna, & dixit : Benedicta tu inter mulieres, & benedictus fructus ventris tui. Et unde hoc mihi, ut veniat mater Domini mei ad me? *Luc. 1. v. 42. c. 43.*

II. Ecce enim ut facta est vox salutationis tuæ in auribus meis, exultavit in gaudio infans in utero meo. *Luc. 1. v. 44.*

III. Beata, quæ credidisti, quoniam perficientur ea, quæ dicta sunt tibi à Domino. *Luc. 1. v. 45.*

IV. Et ait Maria : Magnificat anima mea Dominum, &c. *Luc. 1. v. 46.* Mansit autem Maria cum illa quasi mensibus tribus : & reversa est in domum suam. *Luc. 1. v. 56.*

ME.

AD ANNUM XXX.

MEDITATIO VI.

*Ioseph ab Angelo de divino Virgini-
nis conceptu admonetur.*

I. **C**um esset desponsata mater IESU
Maria Ioseph, antequam convenirent,
inventa est in utero habens de Spiritu san-
cto. *Matth. 1. 6. 18.*

II. Ioseph autem vir ejus, cum esset ju-
stus, & nollet eam traducere, voluit occultè
dimittere eam. *Matth. 1. 6. 19.*

III. Hæc autem eo cogitante, ecce An-
gelus Domini apparuit in somnis ei, dicens :
Ioseph fili David, noli timere accipere Ma-
riam conjugem tuam : quod enim in ea na-
tum est, de Spiritu sancto est. *Matth. 1.
Vers. 20.*

IV. Pariet autem filium : & vocabis no-
men ejus IESUM : ipse enim salvum fa-
ciet populum suum à peccatis eorum. *Matth.
1. Vers. 21.*

MEDITATIO VII.

*Ioseph accipit Mariam conju-
gem suam.*

I. **H**oc autem totum factum est, ut adim-
pleretur, quod dictum est à Domino

per Prophetam dicentem: Ecce Virgo in utero habebit, & pariet filium: & vocabunt nomen ejus Emmanuel, quod est interpretatum Nobiscum Deus. *Matth. 1. v. 22. 23.*

II. Exurgens autem Ioseph à somno, fecit, sicut præcepit ei Angelus Domini, & accepit conjugem suam. *Matth. 1. v. 24.*

III. Et non cognoscebat eam, donec peperit filium suum primogenitum: & vocavit nomen ejus IESVM. *Matth. 1. v. 25.*

MEDITATIO VIII.

*Ioseph cum Maria conjugē suā
proficiscitur Bethlehem.*

FActum est autem, in diebus illis, exiit edictum à Cæsare Augusto, ut describeretur universus orbis. Hæc descriptio prima, facta est à præside Syriæ Cyrino. *Luc. 2. vers. 1. & 2.*

II. Et ibant omnes, ut profiterentur, singuli in suam civitatem. *Luc. 2. v. 3.*

III. Ascendit autem & Ioseph à Galilæa, de civitate Nazareth, in Iudæam, in civitatem David, quæ vocatur Bethlehem: eò quòd esset de domo & familia David, ut profiteretur cum Maria desponsata sibi uxore prægnante. *Luc. 2. v. 4. & 5.*

MEDITATIO IX.

Christus in Bethlehem nascitur.

I. **F** Actum est autem, cum essent ibi, impleti sunt dies, ut pareret. *Luc. 2. Vers. 6.*

II. Et peperit filium suum primogenitum. *Luc. 2. v. 7.*

III. Et pannis eum involuit, & reclinauit eum in præsepio: quia non erat eis locus in diversorio. *Luc. 2. v. 7.*

MEDITATIO X.

Christus in Bethlehem natus nunciatur ab Angelo pastoribus.

I. **E**T pastores erant in regione eadem, vigilantes, & custodientes vigilias noctis super gregem suum. Et ecce Angelus Domini stetit juxta illos, & claritas Dei circumfulsit illos, & timuerunt timore magno. *Luc. 2. v. 8. & 9.*

II. Et dixit illis Angelus: Nolite timere: ecce enim evangelizo vobis gaudium magnum, quod erit omni populo; quia natus est vobis hodie Salyator, qui est Christus

8 VITA CHRISTI

Dominus, in civitate David. Et hoc vobis signum: Invenietis infantem pannis involutum, & positum in præsepio. *Luc. 2. v. 10. 11. 12.*

III. Et subito facta est cum Angelo multitudo militiæ cœlestis, laudantium Deum, & dicentium: Gloria in altissimis Deo, & in terra pax hominibus bonæ voluntatis. *Luc. 2. v. 13. & 14.*

MEDITATIO XI.

De adventu pastorum in stabulum.

I. **E**T factum est, ut discesserunt ab eis Angeli in cœlum, pastores loquebantur ad invicem: Transeamus usque Bethlehem, & videamus hoc verbum, quod factum est, quod Dominus ostendit nobis. *Luc. 2. v. 15.*

II. Et venerunt festinantes: & invenerunt MARIAM, & IOSEPH, & infantem positum in præsepio. Videntes autem, cognoverunt de verbo, quod dictum erat illis de puero hoc. *Luc. 2. v. 16. & 17.*

III. Et omnes, qui audierunt, mirati sunt de his, quæ dicta erant à pastoribus ad ipsos. MARIA autem conservabat omnia verba hæc, conferens in corde suo. *Luc. 2. v. 18. & 19.*

IV. Et

AD ANNUM XXX.

IV. Et reversi sunt pastores, glorificantes & laudantes Deum in omnibus, quæ audierant & viderant, sicut dictum est ad illos.
LUC. 2. V. 20.

MEDITATIO XII.

De circumcissione Domini.

I. **P**ostquam consummati sunt dies octo, ut circumcideretur puer, vocatum est nomen ejus IESVS: quod vocatum est ab Angelo, priusquam in utero conciperetur.
LUC. 2. V. 21.

MEDITATIO XIII.

De adventu Magorum Hierosolymam.

I. **C**um natus esset IESVS in Bethlehemi Iuda, in diebus Herodis regis, ecce Magi ab Oriente venerunt Hierosolymam, dicens: Vbi est, qui natus est rex Iudæorum? vidimus enim stellam ejus in Oriente, & venimus adorare eum. *Matth. 2. V. 1. & 2.*

II. Audiens autem Herodes rex, turbatus est, & omnis Hierosolyma cum illo. Et congregans omnes Principes sacerdotum, &

TO *VITA CHRISTI*

Scribas populi, sciscitabatur ab eis, ubi Christus nasceretur. *Matth. 2. v. 3. & 4.*

III. At illi dixerunt ei: In Bethlehem Iudæ. Sic enim scriptum est per Prophetam: Et tu Bethlehem terra Iuda, nequaquam minima es in principibus Iuda: ex te enim exiet dux, qui regat populum meum Israël. *Matthæi 2. v. 5. & 6.*

MEDITATIO XIV.

De adventu Magorum in Bethlehem.

I. **T**Vnc Herodes, clam vocatis Magis, diligenter didicit ab eis tempus stellæ, quæ apparuit eis: & mittens illos in Bethlehem, dixit: Ire, & interrogate diligenter de puero: & cum inveneritis, renunciate mihi, ut & ego veniens adorem eum. *Matth. 2. Vers. 7. & 8.*

II. Qui cum audissent regem, abierunt. Et ecce stella, quam viderant in Oriente, antecedebat eos, usque dum veniens staret supra, ubi erat puer. Videntes autem stellam, gavisi sunt gaudio magno valde. *Matth. 2. Vers. 9. & 10.*

III. Et intrantes domum, invenerunt
puer.

puerum cum Maria matre ejus, & procidentes adoraverunt eum : & apertis thesauris suis, obtulerunt ei munera, aurum, thus, & myrrham. *Matth. 2. v. 11.*

I V. Et responso accepto in somnis, ne redirent ad Herodem ; per aliam viam reversi sunt in regionem suam. *Matth. 2. v. 12.*

MEDITATIO XV.

Christus in templo presentatur.

I. **P**ostquam impleti sunt dies purgationis **M**ARIÆ secundum legem Moyfi, tulerunt illum in Ierusalem, ut sisterent eum Domino : *Luc. 2. v. 22.*

II. (Sicut scriptum est in lege Domini : Quia omne masculinum adaperiens vulvam, sanctum Domino vocabitur.) *Luc. 2. v. 23.*

III. Et ut darent hostiam, secundum quod dictum est in lege Domini, par turturū, aut duos pullos columbarum. *Luc. 2. v. 24.*

MEDITATIO XVI.

Simeon excitus Spiritu Sancto venit in templum.

I. **E**T ecce homo erat in Ierusalem, cui nomen Simeon, & homo iste justus & timoratus,

ratus, exspectans consolationem Israël: & Spiritus sanctus erat in eo. Et responsum acceperat à Spiritu sancto, non visurum se mortem, nisi prius videret Christum Domini. *Luc. 2. Vers. 25. & 26.*

II. Et venit in spiritu in templum. Et cum inducerent puerum IESVM parentes ejus, ut facerent secundum consuetudinem legis pro eo: & ipse accepit eum in ulnas suas, & benedixit Deum. *Luc. 2. Vers. 27 & 28.*

III. Et dixit: Nunc dimittis servum tuum, Domine, secundum verbum tuum in pace: Quia viderunt oculi mei salutare tuum: Quod parasti ante faciem omnium populorum: Lumen ad revelationem gentium, & gloriam plebis tuæ Israël. *Luc. 2. Vers. 29. 30. 31. 32.*

MEDITATIO XVII.

Simeon de Christo vaticinatur.

I. **E**T erat pater ejus, & mater mirantes super his, quæ dicebantur de illo. *Luc. 2. Vers. 33.*

II. Et benedixit illis Simeon, & dixit ad Mariam matrem ejus: Ecce positus est hic
in

in ruinam, & in resurrectionem multorum
in Israël; & in signum, cui contradicetur.
Luc. 2. v. 34.

III. Et tuam ipsius animam pertransibit
gladius, ut revelentur ex multis cordibus cogitationes. *Luc. 2. v. 35.*

MEDITATIO XVIII.

*Anna prophetissa Christum in
templo predicat.*

I. ERat Anna prophetissa, filia Phanuelis,
de tribu Aser: hæc processerat in die-
bus multis, & vixerat cum viro suo annis
septem à virginitate sua. *Luc. 2. v. 36.*

II. Et hæc vidua usque ad annos octo-
ginta quatuor: quæ non discedebat de tem-
plo, jejunijs & obsecrationibus serviens no-
cte ac die. *Luc. 2. v. 37.*

III. Et hæc, ipsâ horâ superveniens,
confitebatur Domino: & loquebatur de illo
omnibus, qui expectabant redemptionem
Israël, *Luc. 2. v. 38.*

IV. Et ut perfecerunt omnia secundum
legem Domini, reversi sunt in Galilæam, in
civitatem suam Nazareth. *Luc. 2. v. 39.*

MEDITATIO XIX.

*Indicatur ab Angelo fuga in
Ægyptum.*

I. Ecce Angelus Domini apparuit in somnis Ioseph, dicens: Surge, & accipe puerum, & matrem eius, & fuge in Ægyptum: & esto ibi, usque dum dicam tibi. Futurum est enim, ut Herodes quærat puerum ad perdendum eum. *Matth. 2. v. 13.*

II. Qui confurgens, accepit puerum, & matrem eius nocte, & secessit in Ægyptum: & erat ibi usque ad obitum Herodis. *Matth. 2. v. 14. & 15.*

III. Ut adimpleretur, quod dictum est à Domino per Prophetam dicentem: Ex Ægypto vocavi filium meum. *Matth. 2. v. 15.*

MEDITATIO XX.

*Cedes innocentium pro Christo
Martyrum.*

I. Tunc Herodes videns, quoniam illusus esset à Magis, iratus est valdè. *Matth. 2. v. 16.*

II. Et mittens occidit omnes pueros, qui erant in Bethlehem, & in omnibus finibus

bus ejus, à himatu & infrà, secundum tempus, quod exquisierat à Magis. *Matth. 2. Vers. 16.*

III. Tunc ad implerum est, quod dictum est per Ieremiam Prophetam, dicentem: Vox in Rama audita est, ploratus & ululatus multus. Rachel plorans filios suos, & noluit consolari, quia non sunt. *Matth. 2. V. 17. & 18.*

MEDITATIO XXI.

IESVS Angeli monitu revocatur ab exilio.

I. **D**efuncto autem Herode, ecce Angelus Domini apparuit in somnis Ioseph in Ægypto, dicens: Surge, & accipe puerum & matrem ejus, & vade in terram Israël: defuncti sunt enim, qui quærebant animam pueri. *Matth. 2. V. 19. & 20.*

II. Qui consurgens, accepit puerum & matrem ejus, & venit in terram Israël. Audiens autem, quod Archelaus regnaret in Iudæa pro Herode patre suo, timuit illò ire: & admonitus in somnis, secessit in partes Galilææ. *Matth. 2. V. 21. 22.*

III. Et veniens habitavit in civitate, quæ vocatur Nazareth: ut adimpleretur, quod dictum

dictum est per Prophetas: Quoniam Nazareus vocabitur. *Matth. 2. v. 23.*

I V. Puer autem crescebat, & confortabatur, plenus sapientiâ: & gratia Dei erat in illo. *Luc. 2. v. 40.*

MEDITATIO XXII.

*IESVS duodennis inscijs parentibus,
manet Hierosolyma.*

I. **I**bant I. parentes ejus per omnes annos in Ierusalem, in die solemni Paschæ. *Luc. 2. v. 41.*

II. Et cum factus 2. esset annorum duodecim, ascendentibus illis Ierosolymam secundum consuetudinem diei festi: consummatisq; diebus, cum redirent, remansit puer IESVS in Ierusalem: & non cognoverunt parentes ejus. *Luc. 2. v. 42. 43.*

III. Existimantes 3. autem, illum esse in comitatu, venerunt iter diei, & requirebant eum inter cognatos & notos. Et non inveniētes, regressi sunt in Ierusalem, requirentes eum. *Luc. 2.*

v. 44. & 45.

MEDITATIO XXIII.

*IESVS post triduum inventus
in templo.*

I. **E**T factum est, post triduum invenerunt illum in templo sedentem in medio doctorum, audientem illos, & interrogantem eos. Stupebant autem omnes, qui eum audiebant, super prudentia & responsis eius. *Luc. 2. v. 46. & 47.*

II. Et videntes, admirati sunt. Et dixit mater eius ad illum: Fili, quid fecisti nobis sic? ecce pater tuus & ego dolentes quærebamus te. Et ait ad illos: Quid est, quod me quærebatis? nesciebatis, quia in his, quæ Patris mei sunt, oportet me esse? *Luc. 2. v. 48. & 49.*

III. Et ipsi non intellexerunt verbum, quod locutus est ad eos. Et descendit cum eis, & venit Nazareth. *Luc. 2. v. 50. & 51.* Et mater eius conservabat omnia verba hæc in corde suo. *Luc. 2. v. 51.*

ME.

MEDITATIO XXIV.

De vita Christi ab anno etatis duodecimo usq; ad trigesimum.

I. **D**escendit cum eis, (Iosepho & Mariâ) & venit Nazareth: & erat subditus illis. *Luc. 2. Vers. 51.*

II Et IESVS proficiebat sapientiâ, & ætate, & gratiâ apud Deum & homines. *Luc. 2. v. 52.*

III. IESVS factò sabbato coepit in synagoga docere: & multi audientes admirabantur in doctrina ejus, dicentes: Vnde huic hæc omnia? & quæ est sapientia, quæ data est illi; & virtutes tales, quæ per manus ejus efficiuntur? Nonne hic est faber, filius Mariæ? *Marc. 6. v. 2. & 3. Vnde patet, illum exercuisse artem fabrilem.*

MEDITATIO XXV.

*Genealogia D. N. IESU
Christi.*

Liber generationis Iesu Christi filij David, filij Abraham. *Matth. 1. v. 1.*

Tessa

*Tessaradecadis prime Proge-
nitores sunt:*

I. Abraham. II. Isaac. III. Iacob. IV.
Iudas. V. Phares. VI. Efron. VII. Aram.
VIII. Aminadab. IX. Naasson. X. Salmon.
XI Booz. XII. Obed. XIII. Iesse.
XIV. David rex.

Omnes generationes ab Abraham usque
ad David, generationes quatuordecim. *Mat-
thae. 1. & 17.*

*Tessaradecadis secunde Proge-
nitores.*

I. Salomon. II. Roboam. III. Abias.
IV. Afa. V. Iosaphat. VI. Ioram. VII. Ozi-
as. VIII. Ioatham. IX. Achaz. X. Ezechias.
XI. Manasses. XII. Amon. XIII. Iosias.
XIV. Iechonias.

Omnes generationes à David usque ad
transmigrationem Babylonis, generationes
quatuordecim. *Matth. 1. & 17.*

*Tessaradecadis tertiae Proge-
nitores.*

I. Iechonias. II. Salathiel. III. Zorobabel.
IV. Abiud. V. Eliacim. VI. Azor. VII. Sa-
doc. VIII. Achim. IX. Eliud. X. Eleazar.
XI. Ma-

XI. Mathan XII. Iacob. XIII. Ioseph vir
MARIÆ : de qua natus est

XIV. IESVS, qui vocatur Christus.

Omnes generationes à transmigracione Ba-
bylonis usque ad Christum, generationes
quatuordecim. *Matth. 1. 6. 17.*

De numero trium harum tessaradecadum,
videatur Barradius Tom. 1. lib. 5. cap. 19.
med. cum solutione difficultatum : item S.
Hieronymus Comment. in c. 1. Matthæi.

